

ALGEMENE VERDUIDELIKENDE NOTA:

- [] Woorde in vet druk tussen vierkantige hake dui skrappings uit
bestaande verordenings aan.
- _____ Woorde met 'n volstreep daaronder, dui invoegings in be-
staande verordenings aan.

WET

Tot wysiging van die Ordonnansie op Grondgebruikbeplanning, 1985 (Ordonnansie 15 van 1985), om sodoende die periode waarin eienaars van grondgebruikregte kan uitoefen, te verleng tot 19 jaar; en om voorsiening te maak vir aangeleenthede wat daarmee in verband staan.

(Afrikaanse teks deur die Premier geteken)
(Bekragtig op 2 Junie 2004)

DAAR WORD BEPAAL deur die Provinsiale Parlement van die Provinsie Wes-Kaap, soos volg:—

Wysiging van artikel 14 van Ordonnansie 15 van 1985

1. Artikel 14 van die Ordonnansie op Grondgebruikbeplanning, 1985, word gewysig deur die vervanging van paragrafe (a) en (b) in subartikel (2) met die volgende paragrafe—

- “(2)(a) Indien na die verstryking van ’n tydperk van [18] 19 jaar na die datum van inwerkingtreding van hierdie Ordonnansie enige gebruiksreg ten opsigte van grond waarop die toepaslike bepalinge van artikel 7 van toepassing is, nie uitgeoefen is nie, word die betrokke grond behoudens die bepalinge van paragraaf (b) van hierdie subartikel geag gesoneer te wees in ooreenstemming met die aanwending daarvan, soos deur die betrokke raad bepaal, en verval enige toepaslike soneringskaart wat by genoemde verstryking bestaan.
- (b) Behoudens die bepalinge van paragraaf (c) van hierdie subartikel moet ’n appélkomitee voor verstryking van die tydperk van [18] 19 jaar in paragraaf (a) van hierdie subartikel vermeld of enige verlengde tydperk ingevolge hierdie subartikel deur genoemde appélkomitee bepaal, op aansoek van die betrokke eienaar en indien genoemde eienaar na die mening van genoemde appélkomitee verlies gely het of nog sal ly, genoemde tydperk of verlengde tydperk met die tydperk deur genoemde appélkomitee bepaal, met betrekking tot die betrokke grond verleng; met dien verstande dat sodanige verlenging vir ’n tydperk van minstens 5 jaar sal wees.”.

25 Kort titel

2. Hierdie Wet heet die Wes-Kaapse Ordonnansie op Grondgebruikbeplanning, 1985, Wysigingswet, 2004.